

Nunat Avannarliit Killiit Siunnersuisoqatigiiffiata kaammattuutit aalajangersagaanut nr. 2/2019-imut Inatsisartut tapersiinissaat pillugu Inatsisartut aalajangiiffigisassaattut siunnersuut: Nunani Avannarlerni Killerni “Immamik Minguitsuutitsinermut Nersornaammik” pilersitsinissamik aningaasaliinissamillu taperseeqqullugit Savalimmiuni, Kalaallit Nunaanni aamma Islandimi Naalackersuisut Nunat Avannarliit Killiit Siunnersuisoqatigiiffiannit kaammattorneqarput, taanna piujuaannartitsinermik tunngaveqarluni immamit pisuussutinik aqutsinissamik atuinissamillu kiisalu immami avatangiisit peqqissuunissaasa pisuussuteqarluarnissaasalu nukittorsarneqarnissaanik immikkut suliniuteqartunut iliuseqartunullu tunniunneqartassaaq.
(Aallartitat siulittaasuat Vivian Motzfeldt)

Akissuteqaat

(Naalackersuisut Siulittaasuat)

Siullermeenera

Imartanik immamilu isumalluutinik sapinngisamik pitsaanerpaamik atuinissamut illersuinissamullu qulakkeerisariaqartugut Naalackersuisut isumaqataapput. Nunat Avannarliit Killiit Siunnersuisoqatigiiffiannit tikkuarneqartut, immamut tunngatillugu nunat avannarliit killiit immikkorluinnaq inissisimapput, aammalu imartani avatangiisit illersorneqarnissaannut imartanilu isumalluutit nungusaataangitsumik atorneqarnissaannut nunarsuarmi oqaluuserisassanik aalajangersaaqataasarpugut.

Naalackersuisut “Immamik Minguitsuutitsinermut Nersornaat” pillugu siunnersuummi siunertaasunut tapersersuisinnaagaluarlutik, maannarpiaq siunnersuummut Naalackersuisut tapersiinnaangillat. Siunnersuutip aalajangiiffigisassatut siunnersuummi nassuiarneqarsimanngitsunilluunniit nunap karsianut aningaasaqarnikkut kinguneqartussaamera tamatumunnga peqqutaavoq.

COVID-19 aningaasaqarnikkut annertuunik aammalu nunatsinni aningaasaqarnermi siunissaq pillugu nalorninartorsiortitsinermik annertunerusumik kinguneqarpoq. Taamaattumik nalornineq taanna tunngavigalugu suliniutinik aningaasaliiffiusariaqartunik aallartitsisoqassanngitsoq inassutigineqarpoq.

Taamatut oqaaseqarluta Naalackersuisuniit siunnersuut itigartinneqassasoq inassutigaarput.